

JUNIOR SECONDARY CERTIFICATE

RUKWANGALI FIRST LANGUAGE

1108/1

PAPER 1 Reading and Directed Writing

2 hours

Marks 60

2018

Additional Material: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Candidate Number and Name in the spaces on the Answer Book.
- Write in dark blue or black pen.
- Do not use correction fluid.

- Answer **all** questions.

- Pay attention to spelling, punctuation and sentence structure.
- The number of marks is given in brackets [] at the end of each question or part question.

MAVYUKISO NOMAPUKURURO KOVARONGWA

- Tjanga malimburo goge moBukelimbwiliro vana ku pe.
- Tjanga Nomora zoge zoUkandidate nEdina lyoge momavega goBukelimbwiliro.
- Tjangesa pena zouneguru ndi zonsovagani.
- Wa ha ruganesa yikwamema yokudongwenesa.

- Limburura mapuro **nagenye**.

- Pakera mbili esipero, yidivisoereseso netungontanto.
- Sivaro soyitwa kuna si gava moyikondekeli [] kehagero lyankenye epuro ndi koruha rwepuro.

This document consists of 6 printed pages.



Republic of Namibia

MINISTRY OF EDUCATION, ARTS AND CULTURE

RUHA A

Resa sireswa oso konhi oka limburure mapuro ogo naga kwama ko.

Sireswa A

Mulyo gomema morutu roge.

Sinzi sovantu kuvhura kumona asi kunwa mema kapisi sininke sakara hepero nsene kapi ono ku zuvha enota, yiyo nye ava ncenuna kunwa mema. Vamwe kuvhura a kare ure wosivike ga hana kunwa mema.

Nye mokukwama vakonentu asi rutu romuntu nsene rukara runa notwera siruwo sosire ngoso siponga sosinene koukanguki. Mema simwe sahepa kudira kusi semburura nampili karuwogona, yipo asi yilyo oyo yivhure kurugana yirugana yayo momuwa omu yafira kurugana, mema hena kwa kara hepero mokunengedeka apa ya gwanekeka yisupa (mononcugu) yiwape kugendagura yidire kuliheka sihonena somononcugu: mononkokona, monongoro, mononyonga, yimo tupu hena mema kuvatera morutu ngwendi sisupa somugongo si vhure kudifauka hena kuvatera moku keverera upyu noutenda worutu (temperature) kumwe nomugendo gonondya monda zorutu ngwendi mezimo nomomaura.

Gamwe gomapukururo vagava vadiviyuma gokukwafa omu no vhura kugwana mema gaze morutu ga vhuke mo; va hepa kusimba tundini tomema gokunwa nkenye oku ono ku gendera apa no zuvha enota to nu, kukamena mo mema goyitoroni momema makura tonu nkenye apa tayi tjindji mema ga kare nedumba lyewa o ga hafere kuga nwa nkenye apa.

Kunwa mema gomanzi kwa kara sitambo somulyo kouhaku woge. Moyiruwo yoyiwaawa vantu wovanzi va hepa kunwa yikwamema yipo va sikisemo nompumbwe dawo domema morutu, nampili moomu ya ku moneka asi yininke youreru ya kara hepero unene kuyi sikisa mo yipo o kare ono kanguka.

Nampili moomu asi mema gamwe rwa hepa rutu kuga gwana monondya dimwe ngwendi mokamudesa, momadamate, nomomaguni, nye mema unzi wago rwa hepa rutu kuga gwana morupe rokunwa mema nomo kunwa yikwasakunwa yapeke.

Rutu ku zumbanesa mema nkenye ezuva pwarwene, yipo nye asi ga fire kuga rwigidira po nsene gana tundumo gamwe; kwa yi nongonona nye asi mema kuga zumbanesa morupe rokutjimpuka ntani pokusitama, yimo hena unene pokuhesera napo kuzumbanesa mema gomanzi.

Kunwa nye mema nampili kopomba zo karana ndi gomosindini soge yizo nkedi zomulyo kutengwira mo mema morutu. Yimo tupu yikunwa eyi ngwendi masini nenyango vamyanga vaguseko mema nayo yiwa pokugava mema morutu nye sakunwa va vhonga yikorwesa ndi va vhonga yinyanyukisa (caffeine), kosiva ntani nobira oyo mulyo gwayo gokureta mema morutu gwanaudumba; yeeyi asi ayo kwa kara noyivhongeso yokurorora rutu, eyi ya ku sanseka asi ayo kuretera rutu ruzumbanese mema (kukukuta).

Sirugana 1

Limburura mapuro ogo gana kukwamako ko **1 – 6**, tjanga tupu nomora ntani ndanda zelimburo lyoge. Sihonena **1 B**.

- 1** Nkango ezi kuncenuna yizo tupu
A kudifauka.
B kunengedeka.
C kusemburura.
D kotwera. [1]
- 2** Mema yiso simwe sakara nomulyo morutu, unene koyisupa morwa?
A Kunengedeka ya ha liheka.
B Kuyi gaununa ya ha teka.
C Kuyikulika usimbu.
D Kuyipameka yikore. [1]
- 3** Simwe soyihonena yomononcugu yiso?
A Maura.
B Monda zorutu.
C Mongoro.
D Mugongo. [1]
- 4** Ngendeseso zimwe a tu zumbanesa mema momarutu?
A Pokudifauka.
B Pokunwa masini.
C Pokulira.
D Pokutjimpuka. [1]
- 5** Zimwe zonkedi zongwa zokutengwidira mo mema morutu nsene gana tundumo
A kunwa mema gomanzi unenenene.
B kunwa mema gomosindini.
C kunwa nobira dononzi.
D kunwa kosiva. [1]
- 6** Uwa musinke wa kara monondya edi ngwendi sopa, maguni nomadamate korutu?
A Kugwanako mema.
B Kuneteka rutu.
C Kuninkisa nondya digende nawa mezimo.
D Ku resesako rutu. [1]

[6]

Sirugana 2

- 7 Hetakanesa yininke yina kara momuzumo **B** yi lize neyi yina kara momuzumo **A**. Tjanga tupu nomora nondanda zelimbururo lyoge. Sihonena **B (ii)**.

A		B	
(a)	Kunengedeka	(i)	Masini
(b)	Kurorora rutu	(ii)	Sisupa somugongo
(c)	Vavyonga yinyanyukisa	(iii)	Kuzumbanesa mema morutu
(d)	Kudifauka	(iv)	Edumba
(e)	Mema goyitoroni	(v)	Noncugu
(f)	Kuhesera	(vi)	Nobira
		(vii)	Kudowokesa

[6]

Sirugana 3

- 8 (a) Tumbura ko yininke **yitatu** eyi gakarera mulyo mema koyilyo yomorutu romuntu. [3]
- (b) Gava malifanonkango gononkango odo
- (i) kudifauka.
- (ii) kuliheka. [2]
- (c) Mononkedi musinke a ru vhuru rutu kuzumbanesa mema? Tumbura nonkedi **ntatu**. [3]

[8]

[20]

RUHA B

Resa sireswa oso konhi o limburure mapuro ogo naga kwama ko.

Sireswa B**Eyi ayi zi morutu yiyo ayi rupumagura**

Yikorwesa yininke yimwe yina kuzonagura maparu govantu uzuni mudima. Ayo kuteza mapata govantu, kureta mauvera ga hana divilisa, kuzarura vantu, kugusisa vanasure mosure, kureta malidipago mokatji kovantu.

Marovhu yininke va fumadeka vantu wovanzi, nsene o genda ngurangura unene po mombumbura za Kavango to mono vantu wovanzi omu vana ponga-ponga pomavango gomanwino oku tava zoragana asi nampo pomapongo gomulyo vana kara nani nye pomanwino kwaku nwa yikorwesa. Kongurova nonovili domasiku to mono napo tumbunga-tumbunga asi walye kwaku tunda koyirugana nani komanwino.

Yikorwesa yimwe eyi a yi zonagura rutu, nomagano gomuntu vakonakoni kwa gava magano asi kusesupika yikorwesa eyi o ku nwa morutu yakara nomauwa kovantu vamwe.

Kovagara ava va pitakanesa ponomvhura nomurongo ne 40 ntani novakadi ava va ka koruvharo ava va vhuru kunwa yikorwesa yokuhetekera ngwendi sihonena nouniti mbali mezuva, ngoso yikorwesa kuvhura nye kugurumwisa siponga sokuvera uvera womutjima. Eyi kuna kulikida asi ayo kupopera honde mononsipa domutjima za ha kara mangwili zi sitike nonsipa domutjima. Nye kunwa unene kupitakanena ayo kwa kara nye elilimbo lyeyi tuna tumbura morwa yeeyi yikorwesa yoyinzi morutu a yo kuresapo siponga sosinene usimbu kuvera uvera womutjima nou werondo honde. Yipo nye asi nsene muntu kunwa yikorwesa anwe nye mekeverero, ano nsene kapi ganwa rumwe neyisi nakara negano lyokuvareka kunwa morwa sooso siponga sakara mo.

Ruha roukanguki kwa gava mapukururo asi vagara vaha pitakana kunwa kupitakana pono noperesenta ntatu doyikorwesa mezuva ano vakadi vaha pitakanesa pono noperesenta mbali yize kwa ntatu ngoso mezuva. Aga mayereko kurugana kwa navenye nye a kare ogu anu nkenye ezuva ndi asi rumwe ndi ruvali mosivike ndi yikare asi posiruwo. Hageka yikorwesa kusika konovil nomurongo ne na ntantatu (48) nsene kolipukire morwa makurunwa konwine ezuvapita yipo rutu roge rupwizumuke nokuliwapukurura komeho ngoka turemo hena yikorwesa.

Pana piti nonkambadaro dononzi kovakonakoni asi vagwene eyi a yi tumangeda vanwi vanwe makurunwa dogoro vakupuke vadire kudiva nampili edina, ano vamwe va nwe yikorwesa yokukorwa usimbu-usimbu kumakera ko tupu muntu nare ana kupuka. Nye kwato nawa-nawa mauzera gokuyukilira aga va gwana eyi ayi tumangeda vanwi koyikorwesa yononkondo ngoso, makurunwa narunye kwakara nosiponga sosinene yeeyi asi yikorwesa nayo kuresa po elitjindjo lyoyikara yomuntu pausupi. Marovhu ndi asi yikorwesa kuninkisa muntu a lizuvhe ngwendi kwa kupwizumuka nawa, kupa muntu ruhafo, kuligazarera yoyiwa yelike, kunyanyukisa muntu, kugusa muntu nomuga.

Yikorwesa ndi asi marovhu hena kuretera muntu yininke yoyidona nsene ana ga nu ago kumudampayesa/kugovareka nondunge edi a di keverere enongonono lyoyininke, kunangapeka eligumaguro lyoyilyo yomuntu, kuuyungisa muntu kowoya-woya, kumonesa muntu yininke siwiwili, kupundaukisa muntu kugenda, kureta sikankami komuntu.

Makurunwininina goyikorwesa mepuko kuvhura nye kuresa po ezonaguro koyilyo yomonda zorutu ngayooyo yaku kwamako: vamwe kunenepa unene ano vamwe kutongama unene, kukara mpumba zonene, ku kora-kora mutwe, kuvera erondo lyohonde, kuvera ehuli ntani uvera wokankera.

Gamwe gaga maudigu kuvhura kupwa ndi kuga wapukurura nsene o hageka kunwa yikorwesa. Yipo nye asi kapi ya hulilire kutjindja eparu lyoge hetekerako.

Sirugana 1

- 9 (a) Tumbura yininke **yitatu** asi ngapi yikorwesa yina kuzonagura maparu govantu mouzuni mudima? [4]
- (b) Gava ko malizuvho ndi asi malitjindjo **gatatu** aga ayi retesapo yikorwesa komunwi nsene ana ga nu? [4]
- (c) Yikorwesa ndi asi marovhu yininke musinke yoyidona aga retesapo nsene munwi ana ga nu? Tumbura ko **yine**. [6]
- (d) Nsene muntu kunwa yikorwesa makurunwininina, ezonaguro musinke ayi vhuru kuresa koyilyo yorutu rwendi? Tumbura ko **yine**. [6]
- [20]

Sirugana 2

- 10 Ove nyove kansela gomukundahorowero gweni yina kupira kuzuvhisa mbili eruganeso yikorwesa mepuko momukundahorowero gweni rambanga ko nosirongo mudima. Tjanga nye siuyungwa soge esi ono kurongikida oya uyungise pezuva lye diworoko silika semanguruko momukundahorowero gweni.

Nonkango di sike ko-150 – 200.

[20]